

大寶積經

第百十七

八十四
字七

47525



元祿九年丙子二月日重脩

皇國聖業 帝階級昌

佛日增輝 懋輪常轉

山城州天安寺法金剛院置



大寶積經卷第一百二十七

西晉三藏竺法護譯

寶髻菩薩會第四十七之一

聞如是一時佛在羅閱祇靈鷲山與大比丘
眾四萬二千菩薩八萬四千俱各從十方諸
佛世界而來集會皆已通達一生補處得無

所著無^所礙從勇猛伏三昧出生獲

上蓮

華三昧金剛道場三昧善堅住三昧淨淑修

淨淑修

三昧幢英王三昧金剛三昧淨德事三昧分

別權行皆得親近諸佛之法在佛樹下多所

降伏度諸魔界而得建立諸佛之土逮成無

盡所說惣持得知眾生一切根塵妙辯才

大寶積經卷第一百二十七

字

西晉三藏竺法護譯

寶髻菩薩會第四十七之一



聞如是一時佛在羅閱祇靈鷲山與大比丘
眾四萬二千菩薩八萬四千俱各從十方諸
佛世界而來集會皆已通達一生補處得無

所著無量所礙從勇猛伏三昧出生獲上蓮

華三昧金剛道場三昧善堅住三昧淳淑修

三昧幢英王三昧金剛三昧淨德事三昧分

別權行皆得親近諸佛之法在佛樹下多所

降伏度諸魔界而得建立諸佛之土逮成無

盡所說惣持得知眾生一切根塵及妙辯才

可悅諸心為師子步猛無所畏若入眾會應
順時宜宣文字句成就諸行則以威相而自
嚴飾捨於世財棄諸外道功勳顯布聲徹十
方諸佛咨嗟德不可量悉從布施持戒忍辱
精進一心智慧而成從無數劫百千那由億
治道業觀見一切眾生之疾應病與藥皆令
瘳愈入於深妙明緣起法以捨斷滅有常之
事其行清淨志無瑕穢心性鮮明開化群生
各各拱護令得其所曉了教誨意得自在勢力
堅強不毀慈心信戒聞施慙愧智慧具足
七財欲化眾生以善方便現處閑居所用修
力善誓諸願聖德無量心如虛空其名曰光

觀菩薩常明曜菩薩光世音菩薩大勢至菩薩
師子意菩薩師子步菩薩師子雷音菩薩
尊意菩薩金剛意菩薩金剛步菩薩金剛幢
菩薩金剛志菩薩步不動迹菩薩獨步世菩
薩善明菩薩蓮華目菩薩蓮華淨菩薩寶淨
菩薩鈎塼菩薩寶幢菩薩寶事菩薩寶寶印手
菩薩德曜王菩薩淨王菩薩執離意王菩薩電
光嚴菩薩虛空藏菩薩唵音菩薩雨音菩薩
不離音菩薩意淨菩薩電音菩薩解縛菩薩
等十六正士溥首之等六十聖士衆香首等
三十有二清淨行士慈氏之等皆是賢劫諸
菩薩也降魔天子淨復淨天子善妙天子賢

觀菩薩常明曜菩薩光世音菩薩大勢至菩
薩師子意菩薩師子步菩薩師子雷音菩薩
尊意菩薩金剛意菩薩金剛步菩薩金剛幢
菩薩金剛志菩薩步不動迹菩薩獨步世菩
薩善明菩薩蓮華目菩薩蓮華淨菩薩寶淨
菩薩鈎塼菩薩寶幢菩薩寶事菩薩寶寶印手
菩薩德曜王菩薩淨王菩薩執離意王菩薩電
光嚴菩薩虛空藏菩薩唵音菩薩兩音菩薩
不離音菩薩意淨菩薩電音菩薩解縛菩薩
等十六正士溥首之等六十聖士衆香首等
三十有二清淨行士慈氏之等皆是賢劫諸
菩薩也降魔天子淨復淨天子善妙天子賢

護天子獲勝天子意勝天子寂化音天子善
思天子等類二万皆志大乘四天王天帝釋
忍迹梵天魔子導師奕美天子并餘諸天龍
神捷沓想阿湏倫迦留羅真陀羅摩睺勒等
及人非人不可稱計彼時世尊與無央數百
千之衆眷屬圍遶而為說經坐大清淨師子
之牀勇猛無畏為師子吼如日普照若月盛
明如火消冥其座暉赫威光巍巍超喻釋梵
佛身特顯猶湏弥山現于大海所說經典上
中意語靡不妙喜義美且足究竟清淨常修
梵行廣演恩慈宣菩薩行講菩薩法所當遵
修名曰淨行尔時東方去此佛國九百二十

万佛土世界名善變其佛号淨住如來至真
等正覺現在說法時佛左右有一菩薩名羅
陀隣那朱晉曰寶壽與八千菩薩俱於其佛土忽
然不現至此忍界住于梵天以一寶蓋覆斯
三千大千忍土普雨天花其名若干在於梵
天而說頌曰

諸天人民獲欲事
為消惱熱諸俗事
無數菩薩如江沙
降伏魔眾億百千
吾從東方而發來
在彼淨住佛左右

心願見佛釋師子
心願堅固志佛道
以精進力行超越
得成佛道離垢憂
其世界名曰善變
欲得誓首釋師子

假使有人欲聽法
設欲歸禮彼世尊
諸導導師衆難得遇
人身難得及閑暇
假使今時造德本
便能開心今滅度
若欲解棄三惡趣
速得無爲消生死
爲良醫王施甘露
彼爲法王執尊寶

若覩十方諸菩薩
速疾來到靈鷲山
經典之要甚難值
篤信禁戒誠亦難
則見衆生處邪冥
速行俱詣於最勝
獲致安隱天人處
則當往詣無等倫
尊猶導師示正路
降伏一切衆生趣

於時寶髻說斯頌已
以此頌音告于三千大
千世界賢者舍利弗
聞說斯頌前白佛言
唯

然世尊此妙頌義爲從何出佛言東方去此
九百二十萬土界名善變佛号淨住如來至
真等正覺現在說法其佛左右有菩薩名寶
髻與八千菩薩俱到此忍界欲來見佛誓首
問訊咨受經典并欲見十方諸會菩薩故任
梵天說此頌耳斯頌之音普聞三千大千世
界今無央數衆生之類殖衆德本俱來詣佛
於是寶髻與八千菩薩及無央數諸天子衆
周帀圍遶鼓百千伎兩諸妙花演大光明動
三千界往詣佛所稽首足下各遶七帀正住
佛前八千菩薩亦復如是諸天子衆悉皆侍
從寶髻菩薩前白佛言唯然世尊淨住如來

敬問無量所志康寧住於輕便勢力安乎蒙
天中天鄙身詣此願垂恩慈爲諸菩薩大士
之衆班宣道教所當應行菩薩住此得究竟
成具足清淨而普被服一切德鎧積累衆善
平等之行淨修其身皆見一切羣生所念觀
其相行而隨開化則以智慧爲淫怒癡而講
說法令致妙行若有衆人住於邪法便爲演
示平等之教爲諸如來所見覆蓋衆生之類
皆得蒙賴一切諸魔不能得便逮覩諸佛無
所罣礙敢可遵修皆成如來清淨之行如此
之義何因致乎佛告寶髻善哉善哉族姓子
乃問如來如此之義諦聽諦聽善思念之吾

當解說諸菩薩等所行清淨寶髻菩薩與諸
大衆受教而聽佛告族姓子菩薩有四事法
所行清淨何謂為四一曰行度無極二曰常
當遵修諸佛道品三曰具足神通四曰開化
衆生是為四行度無極所可勸助靡不周普
入衆德本道品法者遊于大慈曉了應時慧
之所入具神通者分別人民心念所行善惡
之業化衆生者大哀堅固明識志性之所歸
趣佛告族姓子何謂菩薩施度無極所行清
淨謂所可習慳貪之心皆棄捐之習布施心
已能放捨壞於貪慾瑕穢之事興勸布施一
切所有惠而不悛彼行施已而於四事不造

若干何謂爲四一曰衆生之類無有若干二
曰一切經法不各各異三曰所可勸助亦無
差別四曰志性所施亦無若干彼何謂於諸
衆生無有若干不興此念吾當施某不施於
甲施某福多施甲福少厚施於某薄施於甲
好供施某趣施於甲常當施某時一施甲親
目斟酌授與於某不自勞身授與於甲盡用
施某粗施於甲此人奉戒斯人毀禁此人衆
祐斯人冥祐此人能畢衆祐之德斯人不能
此人修正斯人行邪此人奉行平等之業斯
人墮落反邪之業佛言如是族姓子菩薩布
施皆當棄捐如是輩心修平等想不懷若干

常念衆生等心應之而以開化平意識戒慈
悲喜護無所遺忘所謂等者猶如虛空觀無
增減是謂衆生無有若干佛告寶髻何謂諸
法不各各異假使說法而宣平等亦不念言
奉修法者吾當與經不能順法則不授也若
使普備一切法者吾當與之不能具法吾不
與也欲興道教行法施者施於凡夫不謂損
耗於聖賢不謂長益又計法本悉清淨等無
差特以是之故所施當等是於諸法不各各
異彼所施與供養之具有所勸助亦無若干
若布施時不作此念吾當獲福望於帝釋梵
天人位不願國主豪尊長者亦不慕求色聲

香味細滑之法不望饒財珍寶重貨眷屬侍
從亦不貪羨五趣生死所周旋處不求聲聞
緣覺之乘敢可所施則用志求無上正真之
道是謂勸助而不差別諸可放捨志性在道
無差特心合會別離初無增減不望相報唯
欲開度諸不及者越于彼岸其心質朴而無
諭諂懷抱篤信內性淳淑未曾悔變施所珍
愛其心歡喜若有來求意能惠與益用悅豫
是族姓子志性所施亦不別異斯謂菩薩施
度無極無有若干佛言復有八事棄捐邪徑
行布施業何謂爲八不見吾我不見有人不
見有壽不見斷滅不覩有常不住三處不見

無處若布施者則當嚴淨施是八事菩薩布
施棄四住業何謂為四一曰捨於非法則以
經典開化凡夫二曰捨聲聞意志于大道三
曰捨緣覺法修於平等四曰遠於止處諸所
倚著是為四當復離於四事思想何謂為四
一曰常想二曰安想三曰淨想四曰我想復
有四事為淨施何謂為四一曰身淨二曰言
淨三曰心淨四曰性淨是為四復有三事施
越諸罣礙何謂為三一曰捨於惛望二曰棄
捐懷恨三曰離於小乘是為三復有三事捨
於應施離諸恐懼何謂為三一曰貢高二曰
輕慢三曰魔業是為三復有四施以法見印

何謂爲四一曰內空二曰外空三曰人空四
曰道空是爲四復有四施專惟精進何謂爲
四一曰飽滿衆生二曰具足諸佛之法三曰
備悉成就相好嚴容四曰淨治佛土是爲四
事復有四施心常不捨何謂爲四一曰意常
念道二曰常欲見佛三曰修于大慈四曰滅
除衆生塵勞之穢是爲四復有三施嚴淨道
場何謂爲三一曰淨我二曰淨人三曰至道
場淨是爲三復有四施所與清淨何謂爲四
一曰以慧布施二曰則能可悅衆生之心三
曰曉了勸助四曰明解觀察經典是爲四佛
告族姓子是爲菩薩所可修法施度無極致

清淨行佛告族姓子菩薩行誠度無極有一
事致于清淨何謂為一解菩薩心而無等倫
其心超過一切世間最尊無比越諸聲聞緣
覺之意心能降伏一切諸魔入於衆生所至
名德為無量寶諸遵習法普有所護心未曾
忘是為一復有二事誠度無極為清淨行何
謂為二一曰常懷慈愍無害衆生二曰心志
於道調柔性行是為二復有三事戒無極淨
何謂為三一曰身清淨身三事戒無闕漏究
竟備悉二曰言淨一切所說無有諛諂三曰
意淨蠲除諸穢貪欲危害是為三復有四事
戒無極淨何謂為四一曰具戒清淨二曰奉

禁不毀三曰以此戒法教化衆生四曰見持
戒人敬之如佛是爲四復有五事戒無極淨
何謂爲五一曰不歎己身二曰不毀他人三
曰捨聲聞志四曰離緣覺意五曰無所貪著
是爲五復有六事戒無極淨何謂爲六一曰
常念於佛不毀禁戒二曰常念經法順修其
行三曰常念聖衆不違佛教四曰常念於施
普捨塵欲五曰常念禁戒不復貪慕一切五
趣六曰常念諸天宣衆德本是爲六復有七
事戒無極淨何謂爲七一曰篤信樂諸佛法
二曰常自念慙爲衆重任三曰念愧思道品
法而不自大四曰仁和煩惱彼我五曰無害

畏於後世殃罪之患六曰不煩擾人止心憂
戚七曰見諸衆生在苦惱者而愍哀之是爲
七復有八事戒無極淨何謂爲八一曰無有
諛諂二曰無希冀心三曰不貪利養四曰捨
於慳慔無所依倚五曰己身所有而知止足
六曰行賢能禪具足澹泊七曰處於閑居不
惜身命八曰樂於獨處遠離衆會好於道法
畏懼三界不取無爲是爲八復有九事戒無
極淨何謂爲九一曰無所趣律教化衆生而
令得度二曰稍漸習定修治其原三曰令心
究竟不懷惱熱四曰求於靜漠止心所念五
曰習行威儀禮節之正六曰超度禁戒不見

己身七曰未曾欺惑愍哀羣生具足大乘八
曰究竟成就戒法之業使不缺漏九曰心常
懷念勸助德本是爲九復有十事戒無極淨
何謂爲十一曰淨身三事二曰淨口四事三
曰淨意三事四曰念棄論諂志性質直而不
細碎五曰入普入靡不蒙度六曰一切所
覺而知節限愍哀爲本悉解諸結七曰心無
剛鞭教化衆生悉調和業八曰常修己身見
諸等類恂恂恭敬九曰於諸衆祐勸示法事
十曰奉以衣食使離世業是爲十復有二事
戒無極淨何謂爲二一曰有毀辱者寧失身
命終不毀戒不興想念不慕財業二曰無所

周旋亦不貪求一切諸法戒空無像復有二
事何謂爲二一曰內淨除諸衰入二曰外淨
捨諸境界是爲二復有二事一曰淨其道心
解自然相故二曰戒品清淨無諸相故佛告
族姓子是爲菩薩戒度無極清淨之行佛告
族姓子何謂菩薩忍度無極所行清淨若罵
詈者嘿而不報是口清淨若搥捶者受而不
校是身清淨若瞋恚者哀而不愠是心清淨
若毀辱者而不懷恨是性清淨又若聞人發
魚獷辭以護衆生不興忿恨設有刀杖加身
瓦石打擲護於後世而不懷害節節解身不
以憂慙將順道故人見求乞不起瞋恚濟四

恩故發于慈心不忿恚者親佛道故造悲哀
心具足願故功勳流布莫不奉命多所愍故
仁心德稱所可布施爲道法行棄魔天故又
念佛道而行忍辱成佛身故若念覺意而行
忍辱具十力故若念於慧而行忍辱欲備三
達無罣礙故設念愍傷而行忍辱成大慈故
念度虛妄而行忍辱究大哀故念如師子無
恐懼者而行忍辱無所畏故念無見頂而行
忍辱處於衆生不自大故念具相好而行忍
辱普欲救濟一切世故具諸佛法而行忍辱
成通慧故佛告族姓子有二事法淨忍辱力
一曰精進業二曰合集義力彼所可言若能

忍辱身心無猗是集義力於一切法而無所
著行忍辱者是修道義有淨忍者能忍衆生
了知無人堪任諸法悉為澹泊是為淨忍所
以者何於彼亦無可忍及與非忍於一切法
無所逮得乃名曰忍計於忍者亦不可獲於
一切法無所著者乃名曰忍其無所猗忍無
處所不受諸法是曰為忍不以所取為忍辱
也其有不計我人壽命之法是曰忍辱不著
身命察如墻壁瓦石之數乃曰為忍也佛告
族姓子菩薩有二忍一曰曉了身分散事二
曰明識諸法皆悉本無乃成忍辱是為菩薩
忍度無極行清淨也佛告族姓子何謂菩薩

進度無極為清淨行不捨道心所可興業未
曾怯弱常遵勤修而不睡寐不離德本積集
功德不以退還於度無極若造行者方便求法
堪任為人講說經典護于正法多所度脫不
厭大慧開化衆生嚴淨佛土度于小乘具足
本願究竟聖慧未曾違失施戒博聞親近權
慧已至福家當以何意勉濟群生今無憍慢
是謂精進彼何謂淨若曉了身猶如影響所
言柔軟識不以倦其慧究竟而心淨寂明於
所行永不可盡分別諸滅以慧消化而成一
心慧無所起彼以三事離於精進一曰猗著
因緣二曰行顛倒事三曰妄想之滅若於三界

無所猗著是爲精進復有三事何謂爲三眼
無所著不猗於色不貪於識耳聲識鼻香識
舌味識身更識意法識亦復如是悉無所著
彼無所受亦無所習故曰精進無施不慳無
戒不犯無忍不諍無進不殆無禪不亂無智
不愚不造德本亦無不善不求佛道不得聲
聞緣覺之地其無所得亦無不行則便逮成
三精進淨何謂二一曰內無所任興諸因緣
二曰捨於外見衆想諸識是爲二精進復有
二淨何謂二淨一曰於內寂定二曰不遊於
外亦無放逸是爲二淨其根精進於諸所行
而無所行亦不輕戲是爲菩薩進度無極清

無所猗著是為精進復有三事何謂為三眼
無所著不猗於色不貪於識耳聲識鼻香識
舌味識身更識意法識亦復如是悉無所著
彼無所受亦無所習故曰精進無施不慳無
戒不犯無忍不諍無進不殆無禪不亂無智
不愚不造德本亦無不善不求佛道不得聲
聞緣覺之地其無所得亦無不行則便逮成
三精進淨何謂二一曰內無所住興諸因緣
二曰捨於外見衆想諸識是為二精進復有
二淨何謂二淨一曰於內寂定二曰不遊於
外亦無放逸是為二淨其根精進於諸所行
而無所行亦不輕戲是為菩薩進度無極清

淨之行佛告族姓子何謂菩薩寂度無極清
淨之行慇懃合集一心之事觀所應察而以
正受彼若一心禪不著色棄損痛痒思想生
死識彼若禪者不著眼耳鼻舌身意識彼若
禪者不貪色聲香味細粟法彼若禪者不著
地水火風空不著帝釋日月梵天尊豪之位不
著欲色無色之界不猗今世及與後世不住
於身亦無所處不猗言辭心不疲懈悉無所
住無卒無暴不住邊際得無所念彼若禪者
不計有身不興諸見不貪我人壽命不見微
妙不可事不見斷滅不覩無常不見生滅
有處無處彼若禪者亦不永盡衆漏之原不

著諸佛不入寂滅果證之跡亦不長處於無
所行若行禪者一心解空不以空為證求於
無相無願不以無相無願為證被大德鎧行
無極慈住於大哀一切具足奉行空事何謂
具足行空不想布施持戒忍辱精進一心智
慧不想善權諾所開化不想慈悲喜護亦不
希望入於聖慧不想道心有所觀察不想志
性意有所應不想四恩惠施仁愛利人等利
一切救濟不想其意安詳而有所存不想意
止意斷神足根力覺意及八由行不想寂默
而觀察法不想調定柔粟之行不想慚愧有
所羞恥常住佛道未曾斷絕隨法眼教執於炬

曜從聖衆戒常修鮮潔立觀衆生成就佛身
以德莊嚴而從世雄聞具足音奉佛三昧獲
於正覺神足之辯受十種力任無所畏逮於
微妙十八不共諸佛之法不與聲聞緣覺合
同拔去止處諸欲塵穢不離神通開導衆生
四分別辯精進明了現世度世之法教化衆
生與衆超異質直出家度於駛水而過泛流
斷諸所有所可任處自然靜漠法教澹泊觀
於身法無所貪愛志於佛法了自然想越諸
任行默口言辭有所說者常宣佛語以此至
誠消滅常然開化衆生是曰具足行空佛告
族姓子譬若三千大千世界所有人民悉爲

畫師各有所習巧能不同所善不等或工畫
屋宅不工畫體或便摸者不能博採或工於
手足巧於耳目或頭首不端身形姝好或有
不能所習各異或能可人或不可人所知殊
別容貌不同王盡召畫師應時皆至王令畫
作三界諸形而告之曰各自畫像以持示吾
皆合衆師聚於一處各各畫形一師最上悉
得其體族姓子所憶云何爲能普備諸所能
不答曰唯能佛言借引爲喻當解斯義如一
畫師悉圖諸形各各得體不失其旨學此法
亦復如是懇懃精進淨修梵行逮成佛法以
一正行悉具衆事由此之故具足空行靡所

不達便得成就一切佛道皆除塵欲顛倒衆
想貢高自大不樂放逸雖處衆穢不與合同
是謂菩薩具足空行說是語時八千菩薩普
備空行逮得法忍是爲菩薩寂度無極清淨
之行佛告族姓子何謂菩薩智度無極清淨
之行有十二事爲清淨行何等十二見於過
去慧無罣礙見於當來慧無罣礙見於現在
慧無罣礙有爲無爲皆能曉了一切世間所
有術藝當可造業明解度世分別說於真諦
之義知其所習宣其本末一切衆生諸根所
趣柔劣剛達中容之人去來之慧無所罣礙
其聖巍巍超喻世智悉見衆生志性所行形

色變異難解難逮深奧之義消化諸見離於
衆邪諸所任處呈礙之事入于聖慧普周衆
生入於法慧明解聖藏義之所歸了真所入
其明所照無所錯亂亦無所礙觀察時節所
樂無量所見諸事咸皆了了無所違失覺識
誠諦實不滅盡彼所觀察一切無拒以用一
行而無所行皆見衆生之所奉行威儀禮節
世間人民心志所趣菩薩悉見不離於世而
習超度諸世境界尚未成就佛之土地皆越
一切所作因緣開化衆生過於諸行而普究
竟衆德之行廣度一切因緣心行皆見衆生
心之所念護世間法莫不周遍不捨世俗所

行信入衆生之念計其智慧無有卒暴不犯
戲險諸根寂定未曾疲懈不以爲亂永觀聖
慧常與德合詣於佛樹而坐道場降伏衆魔
捨於外道行有所受聖曜普徹亦無所取大
聖所逮得諸佛任可悅衆生悉見定慧普入
衆義一切諸法皆爲同味執權方便智度無
極越於彼岸不可限量此乃名曰智度無極
皆能曉了一切因緣所興衆想瑞應怪變心
行所念今得過度是則名曰度於彼岸又計
此慧有二清淨一曰無礙慧想清淨之行二曰
嚴淨莫能有人當其慧相復有二淨一曰淨
除顛倒二曰淨去諸見又彼菩薩所行智慧

靡不普入聖明備悉曉了衆生達識經典其
菩薩者以此智慧解無所有皆入塵勞親化
愛欲在諸所生處于諸界建立智慧遊諸境
土皆了境界誠諦智慧不度彼此不處中間
其慧普入見於十方無所罣礙用無蔭蔽致
無邊際見誠諦慧明曉一切諸法本末部黨
時節已能識別真諦智慧義之所歸無應不
應無合無別無懈無退不雙不隻計於諸法
亦無應合又族姓子菩薩若行智慧事者以
慧爲舍則成福堂篤信名德道法之至住於
揔持分別智辯一切備悉具足慧事是族姓
子菩薩奉修智度無極清淨之行說此語已

彼時會中二萬二千人皆發無止正真道意
八千菩薩逮得無所從生法忍五千比丘漏
盡意解一乃天子遠塵離垢諸法眼淨時諸
天子舉聲歎曰若有衆生逮得聞是諸度無
極清淨之行道法門者則爲諸佛所見授記
何況有聞能奉受持諷讀誦行如上教乎佛
告寶髻何謂菩薩佛道品法清淨之行自觀
其身知本無身是爲意止則以二事而立其
志何謂爲二一曰察於荒穢二曰觀清淨行
何謂荒穢此身無常積滿不淨是身薄力劣
而無勢是身化立如傾危屋何謂觀淨吾當
以此不淨之身精勤解空得如來身法身法

身巍巍德身無限為諸衆生示現色像悅可
一切是族姓子觀身二事以立其意又族姓
子菩薩觀身了無身已得淨二法何謂為二
一見無常二察有常是身無常不得久立老
病俱合會當歸死已達此義不用身故而造
邪業以不貪身則修堅要行三堅法一曰身
要二曰命要三曰財要此身無常一切衆生
以為貴重何所益乎當行愍傷何謂身要身
不犯惡謙卑恭順稽首博智何謂命要歸命
三寶奉修十德六度四等何謂財要損已布
施給諸貧乏身非我有口之所言皆多有失
從致論諂麁辭不正用是之故悉棄此行不

復為非已見無身不保壽命假使被害不犯
惡事曉身非常為分離法不犯非宜一切所
有施無所貪已解無身所獲善德功勳顯著
不可稱限何謂有常設使觀身了無身者以
時攝取心所了慧觀一切智不違佛教不失
法言不壞聖眾勸化群黎執御人民是謂有
常所以言常不可盡故所言無盡謂無為也
與道合同無終無始玄妙永存此謂無為其
無為者乃為常耳菩薩在彼以諸德本觀諸
通慧至於無為是謂有常所以言常以空無
相無願之故修菩薩道常奉空行觀於無相
不著無願普具一切精進之行是謂有常所

言常者謂如虛空菩薩等心如空無異無有
思想如是行者乃為菩薩是謂有常無上正
真佛告族姓子菩薩觀身了本無身則曰意
止一切人身皆悉本空以解身空意無所著
觀衆生身三在佛身當作是觀若如來身無
有諸漏吾身亦然察於諸法奉行道義不失
佛教得無漏身而觀衆生分別諸相以無漏
身無漏清淨本際亦淨如其德本興立諸行
勸助德本亦無諸漏以能逮成無漏法者能
住諸漏何謂諸漏一曰欲漏二曰有漏三曰
見漏彼斷欲漏設生欲界開化衆生若斷有
漏遊在生死於諸所受教授人民又見漏者

則是無明癡冥之漏菩薩於彼精進不懈究
竟精進拔其根原彼若觀身奉修意止超度
往古諸不應行離於衆穢而遵澹泊乃為觀
身便無所度亦無所生則無所為乃為觀身
假使觀已不見有身亦無所察捨於貪身不
計吾我已無吾我則無所貪已無所貪則無
所諍已無所諍則無殃豐已無殃豐逮得法
忍已得法忍則無所歸已無所歸則無卒暴
已無卒暴不任自大則任於法已任法者不
行非法順法行者常與法俱修道法者則逮
法慈已受法慈則聞法音已行法音不聞界
音已寂界音便逮三昧而已正受則觀審諦

已觀審諦則無所想已無所想則無所作已
無所作則無非作已於諸作無作非作致正
真法便等諸法已等諸法便速通慧一切之
智是族姓子菩薩觀身了本無身意止行淨
佛告族姓子何謂菩薩痛痒意止謂觀痛痒
本無痛痒乃爲意止觀諸苦痛皆見衆生諸
在患難爲之雨淚逮成大哀作是惟念衆人
在惱若得安者乃無痛痒則爲斷除一切危
害乃致觀痛知本無痛意止所行已滅痛痒
爲諸群生被大德鎧先自消身非法之行亦
不想念滅已痛痒若有遭痛普爲一切執御
大哀爲示永安長消衆患爲貪欲人興發大

哀先除已貪不為欲縛設身遇苦不以爲難
爲瞋恚人興發大哀斷已恚結彼則觀見不
苦不樂之痛痒也爲愚行人興發大哀滅已
癡縛彼觀痛樂則無所著消壞諸結而自由
安若得苦痛不以憂戚捨諸有爲則能遵修
令無苦樂以壞愚癡若遇樂痛無所積聚若
遭衆患了身非常觀此口痛痒察痛無我彼
觀樂痛終行安隱其觀觀苦痛則爲瘡病以是
之故名曰不樂不苦訛使觀見所有安樂皆
歸無常其有衆苦計於苦者不苦不樂則亦
無我菩薩若見諸安樂事明識一切本則無
安是觀痛痒知痛無本適起尋滅曉了諸法

不得久存察於万物發生忽沒視一切法所
生如影從何所來而尋散滅觀諸法本如瞻
手掌從何所來去至何所即便了之無所從
來去無所至以觀諸法不以爲患普見一切
篤何休息因此成道以成於道亦無所得不
復退還所以者何以能逮見一切衆人根本
所興則求滅盡不爲己身而求滅也是族姓
子菩薩大士善權方便執御大哀觀於痛痒
了本無痛意止之行消諸所見明識於此不
以過於三界諸痛滅取證際也彼於衆痛觀
佛嘆本曉了諸痛寂默恬澹本無所有亦無
遭患永無遭患諸法皆空離於吾我徒見合

會依於因緣悉無有主亦無吾我捨諸所見
無所長育彼觀如是則真諦見因緣所合皆
不可得已不可得便作是察如因緣空從是
興立諸法亦空已達空義乃為觀痛本無痛
痒為意止也所謂寂漠身澹泊故選擇諸義
道聖慧是族姓子菩薩觀身痛痒了本無痛
意止淨行佛告族姓子菩薩觀心了本無心
為意止行立於道心以得立心以已意慧求
其心本不見內心不見外心不住內外察其
心本不見五陰無諸種無諸入其心寂定求
其持處從何所起則更思惟心起緣起尋復
思惟其心為異因緣異乎即復自了設因緣

異其心異者則有二心設使因緣是心心是因緣以是之故心不見心計於心者非不見心猶如虛偽無實諸塵住於虛空利刀傷指本時為瘡指瘡已老無所患苦如是族姓子心亦如是由是之故心不見心心所見者則無所見應觀如是心所住處亦不起罪不見斷滅不念常存亦無有身身如墻壁因緣不亂不離愍傷亦不有是亦不有異是為心也持心如是心動為法心無所住亦無所行心不可見心相自然作是曉了所見若茲不離所見其心寂然明識無本是為菩薩觀心無心為意止也又族姓子設心不起而不可見則

無有想無應不應亦無輕慢則不放逸是爲
觀心知本無心爲意止也又如心無色其因
緣合及與辯才亦復如是德本無色如心無
爲德亦無色所觀道心亦復無色設使道心
及與勸助無有形色道亦如是悉無所有是
故言曰如其心者行亦如之計若勸助道心
亦如如其道心人心本淨亦復如道道心本
淨一切諸法亦復如斯如此心者曉了普入
是爲菩薩觀心無心爲意止也衆患所惱未
曾停住猶如猕猴及河駛水亦若油燈炷曜
所出忽然遠遊無有身形而易退轉貪恡諸
界六情之患以爲屋宅湏臾變異各隨所應

心無有處而獨遊行無有堅要亦無不要寂
然獨觀是謂觀心無心意止清淨心所入慧
心之法界慧心所住其本淨鮮潔無穢知
心真諦心了現在目之所見心法平等慧亦
如心心等三世已能平等便知真正心慧自
然無能護持觀不可見是謂觀心無心為意
止也計其本淨則為自然心亦本淨了衆生
心以心淨故開化人民為其說法以能解知
已心自然一切衆生亦復自然若能分別心
如是者見其心相而為說法如心相自然衆
生心相自然如此若能達斯相者為其說法
已心則空衆生之心亦復為空已解此空為

其說法等御已心若能等御而為說法已身
則等已等已心則等衆生已等衆生則等諸
法已等諸法則等諸佛曉此真諦不令其心
離於貪欲不處於欲心已止者則入法界趣
於自然心無所住於法無動是謂菩薩觀心
無心意止清淨佛告族姓子菩薩觀法知本
無法為意止行即自念言法起則起法滅則
滅計於本末亦無我身人壽有命人與非人
生老病死終沒所趣於此諸法諸法合會因
其合會而為習俗設無緣合則無有此從其
習樂因成緣會則興善本及與惡本以歸無
常無有緣會不從無習而起諸法彼觀如是

曉了諸法見所歸趣亦無所有空無相無願
 所作功德及無功德彼諸所行如幻無常當
 奉精進設興因緣有十尊行極上無蓋除去
 因緣志于大法何謂為十身淨無穢諸相種
 好無能見頂超度一切諸所侵枉志性清淨
 具足十事其心清淨具足正行六十億音口
 之所說可悅衆生其心淨者常懷慈仁愍念
 一切無所加害其意常定未曾有亂辯才清
 淨有所講說應于法義辯不可盡大慈清淨
 勸化衆生一切令樂泥洹之界大哀清淨無
 央數劫不厭生死淨十種力曉了衆生根原
 所令各各不同清淨無央數
 卽無央數

法衆生積聚欲具諸佛不共之法去來今慧
三世無礙諸佛法淨用能自在歸聖慧故是
爲十彼已逮此尊妙極上無蓋大法十事之
行稱量思惟不以厭倦積累功勳而不毀惰
無德之行懇懃精進何謂諸法根原所來今
無處所度於所住諸宿塵勞已曉万物一切
無常便能興成無常三昧得是定者無堅要
想不亂三昧從其本願示所向生來有所入
而復出生則以班宣功德之行開化衆生是
族姓子菩薩大士善權方便普說經典觀於
諸法達本無法爲意止也其有致道遵修經
典若能曉了道品之法不作衆善不見有常

亦無所著不除惡法道心所見所在無斷亦
不計常不墮斷滅若有菩薩棄捐見常斷滅
之事執心平等而無所任處於中間何謂中
間不應念行無明眾冥悉除去此是謂中間
無有教令無可誨授無言無說是謂中間取
要言之無明行識名色六入觸痛愛取有生老
病死憂感之患惱無可會皆已除盡是謂中
間其所教者無有智慧亦無處所是謂中間
其中間者無有驛使亦無遺者如是宿處計
彼所有無有教令無訓誨者計是本末不可
決了未有所處不可捉持則無所著寂漠澹
泊忽然已滅是謂中間譬族姓子呼嚮所出

無有處所其趣親近音生於對治若見諦者
墮於真偽是爲中間無言無說彼則無見亦
無所處如是族姓子所因興發識色之事及
所教令所因合成從二緣對其中間者無教
無說是謂中間因緣合成不用義理其義理
者則不可得其不可得則不重來其不重來
是謂中間又計我者則了無我滅寂於此於
我不我自然清淨是處中間計人壽命於人
壽命而無所見清淨自然是謂中間於想無
想而無想樂是謂中間所興顛倒所得之事
而無所有是爲中間虛妄愚癡至誠之教悉
不可得是謂中間此岸彼際消化已身令無

所著有爲無爲不行諸習是謂中間蠲除生
死而去泥洹悉無言教是處中間佛告族姓
子其觀於法了法本無爲意止者不壞法界
其意自然而得意止彼道法界曉了諸法計
其法界及與人界於彼法界亦無所壞不毀
人界人界法界此二事者等如空界彼以一
界普見諸法以慧眼見則用法界觀佛所行
假使有人不選擇法彼則無見以是之故諸
法若干見無本法不觀若干若以觀法見本
無者不肉眼見不天眼見不慧眼見所以者
何計使眼者不受於想不肉眼見彼眼不墮
生死之行若以天眼無所見者不用彼眼行

於放逸若以慧眼無所見者彼為觀法了法
本無普見諸法無有處所法無所任已見諸
法無所任者則行法意便不違失往古所誓
是為菩薩隨諸佛教而自立意敢可觀察深
妙之法不捨道心諸通慧矣是為族姓子菩
薩大士觀本無法意止淨行佛告族姓子是
四意止行四精進何謂為四觀身無身棄捐
計實不淨為淨顛倒之想觀痛無痛棄苦為
樂顛倒之想觀心無心蠲除無常計有常想
觀法無法捨遠無我為我想者於四顛倒而
修平等則無所著菩薩若能行平等者則能
清淨一切諸行菩薩奉此平等清淨微妙行
者便逮法忍名四意斷亦得法忍何謂意斷
清淨行者講說道法以此因緣善本法行自

者便逮法忍名四意斷亦得法忍何謂意斷
清淨行者講說道法以此因緣善本法行自
然隨順不從惡本不發瑕穢諸不善本萌芽
未生不令興起為奉精進諸惡這起非法之
事尋便滅之為修精進諸善法事未興起者
勸令發生已興善法益加精進令其具足不
使忘失為行精進又復菩薩本行淨業能自
制護不失善法得自在任漸稍長育顯揚善
法善法已興不復忘失彼族姓子如是行淨
此四意斷其菩薩行心得自在不亂精進其
淨垢濁不與俱合清淨無垢不違佛慧則從道
教行于大哀心心相見覩其所念不失精進

已行平等曰得意斷所以者何從等安詳不用反邪以因安詳不從反邪便逮意斷平等三昧已得三昧名曰平等四意斷也佛告族姓子若能修行此四意斷則能奉行具四神足斷除貪欲奉行精進則令道心靜然無穢所思薄甚已去非法則逮輕便致成大哀精進輕舉獲權方便已誠輕舉因是之故成四神足昇于道堂得四自在何謂為四於壽自在已得長命由已無限在短命中具無量壽勸化衆生在長命中聽省說法或有厭倦現於短命使渴仰法懇懃求義在在所生天上人間各得自在於其壽命是為第一逮得自

在又族姓子身口自在其人身口逮致由已
心不猗身逮意現形隨其容貌而示色像因
其衆生威儀禮節體之好醜長短善惡因惟
正定以何律義而可開化菩薩則從變其形
貌坐起進止發意之頃化一切人蚊行喘息
人物之士身形顏色皆爲一類而爲說法是
爲第二而得自在又復於法而得自在於三
界執御度世之正典不行俗法則隨習俗普
現變化亦不捨遠度世之慧亦無所失至無
礙慧深奧之道十二緣起因緣之法而見迷
惑若生天上及與世間隨其語言令無數人
皆隨律教從其所好上中下願各得其所所

得自在巍巍如斯是為第三而得自在又有
菩薩建立其心使得由己其自在者攝三千
大千世界諸有大海合入一海而建立之亦
無往來而現變化三千世界諸須彌山立為
一山使四天王及忉利天不知合散去來所
趣因而現變三千世界而為建立諸有民人
計皆知數樹木花實令虛空中滿其水火或
化衆寶從其所變而建立之已能建立發意
之頃靡不蒙度忽然如故是為第四而得自
在又族姓子菩薩以是四神足行而自修立
與十方佛共俱言談坐起經行不離左右與
諸釋梵及四天王天龍鬼神捷杳想阿須倫

迦留羅真陀羅摩休勒人與非人一切衆生
俱共相隨談言說事坐起行步所以者何菩
薩神足微妙巍巍卓然有異往古修行善法
之義無有缺漏因獲致此何謂神足往古修
行善法之義輕便其身恭敬尊長奉事衆祐
趨走給使不以爲難謙卑下意不懷自大口
說善言悅可衆人莫不敬愛自歸稽首禮節
備悉言行相應其心輕便不懷慢恣無危害
意彼修謙恭自伏其意聽受尊言順教跪拜
執心柔軟而制其志精進修行未曾捨離其
人具足戒之禮節身所造行與衆殊特心不
懈慢亦不放逸從其貪欲而起瑕穢瞋恚愚

癡心蠲除此已無有貪疾饕餮自除志性不
起則病瘵愈度於衆事所負重擔由因羸劣
而致此患陰蓋衆事爲去其擔五事所受施
以憫惠依橋道度以大船度四瀆具度一切衆
生之類越於泛流有所開化超然有異亂者
正之逸者定之癖者立之毀者笑之不礙迴
波決諸狐疑所說殊異安諸動搖救念諸界
心諸不寤所愛重物每以惠施後無所悔將
濟衆生勸助道意若見他人積累德本代其
歡喜未曾歎已爲身獲安見他人安歡悅善
之易養知足不望他利愛樂出家勸人出學
修大強慈常懷道心等怨親友樂如虛空見

疲極者設以車乘則以無畏加於衆生見學
問者敬之如佛其未學者不以輕慢其貧匱
者施以財業若疾病者救以醫藥令得濟命
見救護者為行恩報而以孝順行禁戒者能
自修慎供養事之不失其意無恭恪者勸救
濟之度於世法所徑遊行不犯諸惡於諸世
事而無所著奉行諸德是族姓子修諸神足
微妙巍巍持行如是不失神足常與其俱至
成佛道是為菩薩神足淨行

大寶積經卷第一百二十七

字

閱悅音瘰抽音璫鎮正作濡首軟上音溥音水愆上唐合反靡下音和

緬彼 反 聶 音 夏 音 鄙 碑 美 懿 一 器 反 粗 才 古 反 坵 岸 字 徑 古 定 蜀 俱 玄 益 反

澹 泊 上 徒 取 反 下 定 一 音 淡 薄 鞭 吾 更 恂 息 旬 反 搯 垂 上 竹 瓜 反 下 之 委 反 愠 紆 運 反

寐 反 密 二 殆 待 音 癢 痒 二 同 音 養 駛 水 上 使 吏 二 音 泛 流 犯 反 芳 模 反

莫 胡 反 姝 尺 朱 反 拒 巨 音 戲 興 宜 反 正 恬 愔 上 徒 添 反 下 音 澹 枉 紆 往 反

芽 牙 字 甚 息 淺 反 拒 箱 字 蚊 祇 音 喘 尺 軟 反 鬻 食 養 上 音 切 下 音 鐵 辟

躄 必 亦 反 上 非 下 正 狐 胡 音 賈 求 位 反 格 口 各 反 徑 經 正 作 連 勅 角 反



猪飼順良寄附

